



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. XII. Ad quem spectet cogoncere de revocatione attentatorum?

[urn:nbn:de:hbz:466:1-73001](#)

am negotio principali , vel judicium nullum reddis: nisi fuerit appellatum ab ipsa: per appellationem à definitiva postea interjectam , gravamen illatum nequam poterit revocari. Vbi adverte, signanter dici: gravamen per interlocutoriam illatum , præjudicans negotio principali , vel judicium nullum reddens sic , ut à tali interlocutoria non fuerit appellatum; quale gravamen foret exceptio peremptoria pacti v. g. de non petendo , præscriptionis , falsi testis &c. à Judice non admissa; nam has exceptiones à Judice inferiore per interlocutoriam rejectas , quantumvis ab illis appellatum non sit , quando appellatur intra decendum à definitiva , Judex appellationis , recipere potest.

Q. XII.

Ad quem spectet cognoscere de revocatione attentatorum?

2877.

Hanc questionem resolvit Innocentius III. in c. *Solicitudinem* 54. h. t. Cùm duobus coram suo Episcopo litigantibus , alter ad Papam appellasset , eumquè veluti contumacem Episcopus excommunicasset , isquè ad Metropolitanum . pro absolutione recurrisset , adiiciendo , se per hoc non renuntiare appellationi ad Papam interpositæ , eamquè velle prosequi ; re intellecta Pontifex rescribit , quòd , sicut *Metropolitanus de appell. ad nos interposita cognoscere omnino non valet*: sic nec de his , quæ post appellationem fuerant innovata , dummodo de aliis cognosci non possit , nisi de appell. pariter cognoscatur , vel de his , quæ appellationis causam contingere dignoscuntur. In quo casu , si Metropolita ad cognoscendum partes suas interponere forte præsumeret , Episcopus posset ad appellationis beneficium convolare: nam ad officium ejus , qui de appellatione cognitus est , pertinet , prudenter corriger , quæ contra ipsam invenerit attenta. Si vero notorium existeret , quòd mandatum Episcopi indiscretum fuerat , vel injustum , cui non tenebatur subditus obediens , ac per consequentiam ei liqueat evidenter , subditum legitimè provocasse potest Archiepiscopus auctoritate Metro-

politana declarare , subditum irrationabiliter extitisse anathematis mucrone percussum. Cùm autem excommunicatus , qui appellaverat , juxta præscriptam formam , coram Archiepiscopo deponit contra Episcopum questionem , Metropolitanus ad cognoscendum de causa potest interponere partes suas , cùm ille appellationis prosecutioni renuntiassè tacite videatur. Sed si verbo , vel facto , appellationem se velle prosequi protestetur , non est tanguam adversa pedens , & sibi contrarius , audiendus.

Ex hoc textu habetur decisio questionis propositæ , nimirum ad eundem Judicem spectare cognitionem de revocandis attentatis post appellationem , cuius est cognoscere de ipsa causa , super qua est appellatum , ut constat ex illis verbis: inquisitioni tuæ taliter respondemus , quòd , sicut *Metropolitanus de appellatione ad nos interposita cognoscere omnino non valet*; sic nec de his , quæ post appellationem fuerant innovata , dummodo de aliis cognosci non possit , nisi de appellatione pariter cognoscatur , vel de his , quæ post appellationis causam contingere cognoscuntur ; at cognitione causæ de revocandis attentis fieri non potest sine cognitione causæ appellationis , aut ipsa appellatione ; ergo. 2878.

Præter hæc ex allata decisione Pontificia deducitur i. quòd si appellans adjudicem Superiorem appellat coram Judice inferiori super concorrentibus ipsam appellationem , ipsi appellationi renuntiare videatur; constat ex textu , ibi: cùm autem excommunicatus , qui appellaverit ad Papam juxta præscriptam formam , coram Archiepiscopo deponit contra Episcopum , à quo appellaverat , questionem , Metropolitanus ad cognoscendum de causa potest interponere partes suas , cùm ille appellationis prosecutionem renuntiassè tacite videatur. unde sicut renuntiatur appellationi per comparitionem coram Judice à quo , ut in c. *Gratianum* , de officio Deleg: ita per comparitionem coram alio Judice , ad quem non fuit appellatum , licet sit Superior ejus , à quo est appellatum , ut in proposito Metropolitanus fuit Superior hujus Episcopi ; quod *Scaecia de appellat. q. 17. limit. 2. n. 15.* ampliat , ut procedat , etiam si Judex nihil fecerit ; quia sufficit quòd pars coram eo comparuerit , & n. 16. etiam si compa-

teat

reat non coram Judice à quo, sed coram
aliо illius Superiorе, ad quem tamen non
sit appellatum, & n. 18. etiam si ejus Pro-
curator compareat coram Judice à quo

2880. Hoc ipsum tamen limitat multipliciter
idem Author n. 20. si Judex, postquam
gravavit, & pars appellavit, citet appelle-
lantem ad videndum se gravari, & re-
aggravari, & appellans compareat, &
petat prorogari terminum: quia tunc non
censemur renuntiatum appellationi; n. 21.
etiam quoties appellans compareat coram
Judice pro revocatione gravaminis, & ad
docendum de gravamine; & n. 26. in
appellatione interponenda; n. 43. quando
comparens coram Judice protestatur,
quod propterēa non intendat renuntiare
appellationi; n. 53. quando Judex à quo
rējicit comparationem n. 54. quando Ju-
dex à quo dolosē induxit appellantem
ad comparendum, & faciendum actum;
n. 58. quando actus fieret ab aliquo appelle-
lantis amico, aut filio; & in aliis limit.
numeris seqq. Alii autem merito existimant,
ejusmodi protestationem non face-
re ut non censemur appellationi apud
majorem interpositae renuniasse in casu,
quo factum protestationi contrarium (ni-
mirum recursus ad Metropolitanum con-
tra Episcopum, à quo prius fuit appelle-
tum ad Papam (in principio recipitur à
tali Judice; quia contraria sunt, appelle-
lare ad Superiorem, &c., se submittere in-
feriori in contingentibus appellationem;
Secus est, si factum in principio non ad-
mittatur; quia tuum ex solo attentatu non
tolitur portestate; ut, si Metropolitanus
in hoc cap. repulisset requisitionem appelle-
lantis, valueret ejus protestatio de pro-
funda appellatione coram Papa.

2881. Deducitur 3. appellantem à sententia
Episcopi (quando appellatio est illegiti-
ma, & frivola) non obstante tali appelle-
tatione posse ab eodem Episcopo, tan-
quam contumacem, & reluctantem præ-
cepito legitimo patere, excommunicari;
quia talis appellatio perinde se habet, ac si
non fuisset interposita; sic Abbas in dict. c.
Solicitudinem, n. 1. si tamen sit probabile
dubium, de iniustitia, vel justitia excusationis (cùm in omni probabili dubio juris
vel facti peti possit à Judice sententia de-
claratoria) ita poterit in praesenti.

2882. Deducitur. 4. si quis facto, notoriè in-

justo, gravatus sit ab Episcopo, Archie-
scopum de illo posse cognoscere, illud-
què revocare, ut clarum est ex textu hu-
jus Capituli, ibi: *si vero notorium exist-
eret, quod mandatum Episcopi indiscre-
tum fuerat, vel injustum, cui non tene-
batur subditus obedire, potest Archiepiscop-
us auctoritate metropolitana declarare,*
subditum irrationaliter extitisse anathema-
tis mucrone percussum; ex quo eti-
am habetur, Archiepiscopum, esse Or-
dinariū Judicem omnium Episcoporum
suae Provinciæ, ut colligitur ex illis verbis:
authoritate metropolitana; sic Quaranta
in Summa Bullarī, V. Archiepiscopi
Auctoritas n. 10. Illa porrò verba in fine
textū: *sed si verbo, vel facto appellatio-
nem se velle prosequi protestatur, non est;*
*tanquam adversa petens, & sibi contra-
rius, audiendus, intelligenda sunt in ca-
su, quo post appellationem v. g. ad Pa-
pam, à sententia Episcopi, se subjiciat in-
feriori, sed tamen ei, qui Judice à quo
Superior est, v. g. Archiepiscopo; quod
tamen accipe, si talis recursus in princi-
pio sit receptus ab isto juxta n. 2880.*

§. XIII.

*Qualiter tollatur appellatione, revocatione
vel renuntiatione?*

2883. **Q**uestio t. est, an, & qualiter Judex à quo possit tollere appellationem? Reip. de hoc casu tractari in c. cùm cessante b. t. ibi: cùm cessante causa, cesset effectus, statim, ut siue Judex ordinarius, seve delegatus, aliquid commi-
nando, vel interloquendo protulerit, quo executioni mandato alter litigantium gravaretur, & sano usus consilio ab hujusmodi interlocutionis, vel comminationis effectu desisterit, liberè in causa cognitione procedat, non obstante, si a tali com-
minatione, vel interlocutione fuerit appella-
tum, dummodo non sit ex alia causa
legitima suspectus: ne processus negotii, frivolis occasionibus, retradetur.

2884. Ex hoc enim textu sequitur, appellationem ab interlocutoria tolli, si Judex ante sententiam definitivam revocet gravamen per interlocutoriam illatum appellanti; & hoc potest Judex tam ordinarius, quam delegatus, licet ab interlocutoria sit appelle-
latum;